

खतरका रोपनस गहि तुंगुल

१ रोपना गर ही एङ्गपन ए-रोय होले गा लग्नी का अदिन एवंदा उल्ला
ती मल बईका रअ'दस होत'अन। बईओस एकासे मेसगा मईया अरिगक्य
होले गा मेसगा दिम खतर'ओ कालो बेसे लग्नी। एका ओरतर अरगोर
आर गहि मेसगा नू ! ओन्टा हुँ को-रोद का बत्ता दव मल्ला, उरमी गा
खुस्सका एकला। अरिगक्य होले मेसगा रोप'ओ मनो दिम कालो। ढिबा
रहचका होले जुन ने-ख'ऐम गुस्तेक बाँस खें-दर दरा बत्ता छोल'ओस
पहें। बत्ता गा एक'अम बेसे जोगाड़ मनो कालो बाँसद मल खँखर'ओ होले
खोंखोड़ हुँ गा र'ई। आद हुँ गा बडियर मनी दिम। परता नू खँस्सा एं-प
खँखर'ई दिम। एं-पन पोरखाचका खो-खा हें-च - हें-च बइयाँ गे बन'ओ
दिम कालो। पहें को-रो? ने- चि'ओ आस गे। एसतेक ओन्दर'ओस परता
कालोस होले गा गाँटर आस गहि टोंग'एन बच्चोर अरा ढिबा हुँ ने'ओर।
एसतेक जोगाड़ी ननोस।

पद्धा ता मुक्कर गहि जहडिन ए-रा नी एक'अम मे-तर तोम्बन
खंडिडियर होले गा औलम महले नन्ना उल्ला गा पद्धा नू अरबा नखरनम
हिके। जोकक जोकक पद्धियारिन गा अम्बा आना खंन्दर - माखा बारी
तोम्बन खण्डा कालोर अरा असानुकुम बकलन छोलचका खो-खा अदिन
पोखरा नू कित्त'आ खतरी सज'आ चि'आ लगियर। रोपनस गे लूर
रहचका होले जुन आस अन्ने ननोस पहें। मुक्कर गहि केबनन सह'आ
पोलना ती आस एङ्गपा तंगहय नू पुना को-रो का कांड नन लद'आ पोल्ला
लगियस। एङ्गपा चोल्ला तरा ओन्टा कठड़ मन्न गा र'ई जुन, ढिबा र'ओ
होले जुन अदिन खंड्डर दरा पलकत'ओस पहें। मन्न गा नगदिम बंच्चकी
र'ई। पहें कठड़ गा खंज'आ गा खंजई पहें एन्देर ब'ओय सन्नी नुम हुरमी
निदगी काली। गोड़ नाख-पंचे गोटंग गा बछर'ई पहें पंजकन ने-
मो-खोर। परदी गा कोहाँ - कोहाँ, पहें लोन्दद हुँ कोहाँ कोहाँ, कठड़ नू
पंचे सय ठू एकला। कठड़ गहि लोन्दन गा अम्बा आना ठुंगड़ा बेसे कोहाँ
मनी।

बिड़ा छिटना लहरा नू गा चैं-पद दिकिम मल पोस्सा। मोखारे
बदालिन ए-रोय होले एन्ने लग्गा लगिया का अनभनियाँ चैं-पद बर'ओ।
बदाली गहि मुर्नन गा अम्बा आना खेखेल दिलकारना बेसे लग्गा खच्चा
लगिया। बिजली लवक'आ तपड़ेम मुर्मा लगिया।

बाप रे इदना ता ओड़सगो गहि चोअ'ना। गोट्टा पतड़ा ता तोम्बा
खोप्पा किय्या गा मुक्कर गहि निंदका। एका खोप्पन ए-रोय आ खोप्पा
हेद्देम हुड्ड हुड्ड थइया नंजका। एवंदा ओड़सगो हूँ खखर'ओ। उर्मा
अड्डा इरचा इरचा थइया।

पद्धा भईर नू लग्गी रोपना गर ओरमर ती मून्ध नेवाइन मनचर।
नाख पंचे उल्ला मून्ध दिम गा आर गुया झरा ओना लगियार। अरखी गा
एड़पा ता कमचका दिम रहचा किका। झरा ती एकला गा एन्ने मल उंखोर
पहें खे-ल डम्बुवा हूँ गा खरखा लगिया। खूड़ी एड़पा ता जोकक आलारिन
हूँ गा में-खना मनी दिम। ओन्द लफ बेसे गा पेत्तकम रहचर, नेवाईन
मन'आ खतरी ओन्टा कोकरोन हूँ गा पिटका रहचर, अन्नुम जुन
ओड़सगोन मेसा ननर दरा इरितका रहचर।

माखा बीरी ता ओण्डका गहि दव मल लग्गा लगिया का एकासे,
नन्ना उल्ला गा रोपनस एन्देर गे दरा एन्ने चींख - चींख मना लगियस।
माखा बीरी ता ओण्डका गहि दव मल लग्गना होले गा बोथन ओनोस
दिम पहें। ओंगहोन एकला गा उनुम खे-ता बेसे ओण्डकम रहचर, अदि
गहि खो-खा गा अरखी नुकुम ओना गे ओ-रे नंज्जर। माखा बीरी ता झरा
दिम गा मुनो झरा लेखा एम्बा रहचा। माखा बीरी ता मासी पूखका
चखनद हूँ गा बछरकी रहचा। उंक्खका चड्डे गा मण्डीद हूँ मल
मुँज्जरा। एं-ड़ - मूँद सोडा मण्डी उनुर उनुम सोडा नुम गा उड़चर।
माखा बीरी गा मानिम दव ले संगे संगे नलियस तो-कियस।
बिजिमत'आ डण्डन हूँ पाड़ियस। इन्ना एन्दरा मंज्जा दरा पईरिम -
पईरिम रोपनस गहि जिया कया एंदेर गे एन्ने इत्तिका लग्गा लगी।

'एन्देर अख'ओय एन्देरगे एन्ने बिपाइत ई चान नू एंगा बर'आ
लगी। इदना खे-रन पो-स'ओन बाचकन खने गा चियोमन गा उरमिन
खाखा पेत्ता दरा होच्चा केरा। इतिंगाली मला मुनाईन नू गा खे-रद पद्धा
भईर नू एम्हय एकला गा रहचा पहें इतिंगाली नाख टू कोहाँ कोहाँ
कोकरो कसरी, मला, मोखारो अरा खें-सो, एवंदा दव लग्गा लगिया।
चाली नू अबड़ा गे कोदय का तीखिलन नन चिच्चकय होले गा अम्बा
आना एवंदा दव नला - नला ठोठ'आ मो-खा लगिया। बिज्जिया होले गा
अम्बा आना गोट्टा पद्धन औंजाईर नना चि'आ लगिया, पहें एन्देर मंज्जा
दरा उन्दुल नुम उर्मी खे-र एरख्वरा दरा केच्चा केरा। इदना गा पद्धा नू
खे-र चींखना हूँ मेन्दर'ओ का मला। ओन्टा टू टू एड़पा नू गा खे-र र'ई
जुन पहें परदा दिम अरगी चींखो एसन! नीकि'इम पाही बरचर होले गा
बिद्विका ती हूँ मल खखर'ओ।"

ओड़सगो गहि नेवाईन मन'ओ बीरी गा आस नन्ना पद्धा ती खे-र बेदर
दरा ओन्दरका रहचस। अन्ने गा मासी दाली संगगे हूँ गा बन'ओ पहें
नेवईन मन'आ गे पहें एन्देर ननोस का बछर नू ओंगहोन एकला गा चो'ई,
अवंगे आस खे-र अहड़ा गने नेवाईन मनचस। पद्धियर गा ओना मो-खा गे
पूरज मधहेर हूँ मासी दाली ती एकला नेवाईन मन्नर। एड़पा नू खे-र
र'ओ होले गा कोड़े दिम महले आ दाली नुम गोड़ - नाख टू ओड़सगोन
मेसा नंज्जर होले मंज्जा।

इबड़ा नुकुम घोख'आ - घोख'आ तान - तान एन्नेम रोपनस पूरुर
बेसे बर्रबर्का कुद्दा लगियस का एकासे। एन्देर ननोस आस गहि गा मेद्दोद
हूँ नलख मल नना लगी। मेसगा ता खंज्जका कोंहड़द हूँ गा तानिम -
तानिम कित्ता लगी। ओन्टा टू - तुर कोंहड़ा गा नगद र'ई, पहें इदिन
अमखी मो-खोस का बिहनी गे र'आ चि'ओस। बिहनी गे गा जोकक गोटन
उइका ती हूँ बन'ओ। पहें ने- अख'आ लगी का भितरे कित्तकी र'ई का
एन्देर। अरे गोटा गा मालिम कित्तकी र'ई होत'अन। ई कोंहड़न पलिकका
खो-खा इदिन गा जोकक खूँड़ी एड़पा ता आलर गे खट्टनम मनो। गल्लेन
ओन्टा खेकखा ती कप्पर दरा घोख'आ लगियस।

“आलर गहि नंजईर नन एन्देर ब’ओय, मेसगा मईया मल ईरक
बेगर गा आर गहि उल्ला दिम मल कालो। एका मधहे आलर दश g
कोंहड़न हूँ ए-रा मल सहनर। आलर गहि नंजईर मल लग्गा गे मेसगा नुं sa
एन्दरन लद’ओन, आलर गहि ख़न्न गा आ कोंहड़ा नुम लक्की र’ई। अर्व g
जे मन्ना र’ई मनो जुन।” ei

एन्ने घोख’आ लंगियस बोलवा तम्बस, रोपनस। एन्देरगे का ई लहरा b
नुम बोलवा तंडिंगयो गहि नोकसान मंज्जकी रहचा। ई लहरा नू गा x
इतिंगली खेरसद हूँ बग्गे मल मंज्जकी रहचा। इबड़ा हुरमिन एड़पा ता b
अकलक नन बोलवा तम्बस घोख’आ लंगियस।

२ इदा बोलवा गरही ओय गा ओन्टा गोला बच्छरुन धनुवाचा रोल
गा ए-रा दिम मल ए-रा लगदस। एन्दरा मला एन्दरन घोख'आ लगदस
बाप रे बच्छरु, धनुवाचका खो-खम ए घड़ी हुँ मल मंज्जा इज'आ
ओ-रे नंज्जा चिच्चा, इदा एरा नी एघड़ी खो-खम ए-का गे हुँ! थथ
थ्रुथुम मनी दरा खतर'ई काली। रोपनस गहि जिया - कयन ए-रा नी
ओंगहोनुम एड़पा ता अकलक नन गा मो-धरस दिम केरस रिझर'उ
हेल्लरस। आस गा अख'आ लगदस ई ओय गा ए-रा गे जुन नटरा के
लग्गी पहें दुदही गा डबल चिई दिम। ई पाली हुँ आद डबल दुद
चिओ दिम।

दुदहिन बीनर दरा दू दू कसा थरिया नू खिरसा कमचस। इदना;
खिरसन गा अम्बा आना एन्ने गा एका खने हुँ मल बनचकी रहचा।

“बाप रे ई पाली ता खिरसा गा अनईत दव बनचकी र'इ
सन्नी-सन्नी ओरमर गुया अंडसत'आदन चिई इदन, मल चिच्चर गा म
ब'ओर।”

एड़पा अबड़ा ती गा खुड़ती माखम खिरसन खट्टियस चिच्चर
ने-खय - ने-खय एड़पा नू गा ओड़सगो गहि नेवाईन मना ब'आ लगिय
पहें आसिन ओकका गे बाच ईरियर पहें ने-खय गुया हुँ मल उकियर
ओन खे-ता केम झरन ओण्ड लिंधिआ बाच ईरियर, ने-खय गुया हुँ म
उकियस न झरन ओण्डस। रोपनस खिरसन गा खट्टियस चिच्चस प
तनी बुड़ा एड़पा ती उरखस का मला झरा उनुर आस गहि पत्त
कच्छनखर'आ लगियर

“मुकका मलका मे-तस एन्देर ननोस का, आलर गहि पाँती
ओककोस! काला चिओ एड़पा तम्हय नुम आस गे रासी र'ई।”

रोपनस इबड़ा कत्थन बहरी तिम जोकक बेड़ा सरखआ लगियस।

“अरे ब'ऊ आलारिन ब'आ चिओ। आलर गे एवंधअम ननोय आ
ने-कन हुँ दव मालिम बअ'नर। खतरकी रअ'दी जिया खतरका बेसे
रअ'य। अरे मल चिच्चस गा मल ब'ओर।”

एवंदा बेड़ा गूटी आर गहि कत्थन ओरखओस, अकू अस्तेक आ
एड़पा किर्यस केरस। एड़पा अंडसना ती मून्ध ओन्द गुसन गा गड़ु
रहचा अवंगे माखा बीरी आस तुरतुरिया चका गही टयर बअ'नर किक
अदिन दग'अर दरा बिल्ली ननते काला लगियस। नीकि'इम हुँ अ
बिल्लिन ए-रोर होले गा नाद बिल्ली दिम ब'ओर पहें। ओरमर गा अख़अ
लगियर रोपनस दिम खुड़ती माखा बीरी एस'आनुम कालो बीरी का किर
बीरी एन्ने नना लगियस। नन'अम बिल्ली ए-थर'आ लगिया।

नन्ना उल्ला लण्डी लोहाड़ी बीरी उसरार'अर दरा खूड़ियर गे काल
- काला, सन्नी - सन्नी खट्टियस चिच्चस।

एन्ने गा असमन हुँ ओरमर गे खट्टा लगियस एका बीरी बोलव
तंडिग्यो उज्जा लगिया। आद गा एन्दर'अम असमा मेक्खो खूड़ी एड़प
तार गे मल चिच्चका बिगर तान मल मो-खा लगिया। नन्ना इड़िपयर हुँ ग
अन्नेम नना लगियर। ओरमर खट्टर लिंधिआ मो-खा लगियर। परब गी
उल्ला नू गा नन्नर गहि चिच्चका असमा नुम गा मो-खा पोल्ला लगियर
एड़पा ता असमन गा एन्दर ब'ओय। छिरका असमन गा ओरम
ओन्दर'आ चिआ लगियर। मगहा इसुंग ती असमा बारा लगियर। बरिक
असमन हुँ एवंदा मो-खोर बग्गे मोकका ती हुँ गा एरखत'आ लगिया। अ
हुँ बारिका असमा मल र'ओ होले गा परब परब हुँ मल लग्गा लगिय
असमन गा अम्बा, खे-र अहड़न गा इरितियर होले नन्ना खूड़ी एड़पा ता
गे ओन खे-ता गा चिइ'नम रहचा। खूड़ी एड़पा तार हुँ अन्नेम न
लगियर।

३ एका बीरी बोलवा तड़िगयो नोकसान मंज्जा, खने गा
 बोलोम रहचस। नाख खेड़ड तिम ए-का लगियस, कबड़ - कुदुड मुंज्जा
 कुदा लगियस। आस गे होस्से हुँ मल रहचा का तड़िगयोद मुंज्जा
 लेदम गा रहचस। ए-डा गहि खरवा टाटना बेसे खज्जन हुम्हारा
 मना लगियस दरा मो-खा लगियस, एन्दरन अख'ओस आस गहि कुल
 पोचगो मंज्जकी रहचा का एन्दरा तम्बस मल एरोस होले खज्जन हुम्हारा
 खनेम मो-खा मुढ़ियार'आ लगियस। माखा बीरी तेकल कूल नुंजन
 चींखा लगियस। गोट्टा मा-खा चींखयस होले रोपनस पझी
 सिम्बाली गहि बकलन छोल'अर दरा पट्टा नू कस'आ लगियस दरा अ
 नू गोड़'अर दरा अदिन तनी - तनी ओन्त'आ लगियस। जोकक कस्तव
 बकलन गा कुड़डा हेदे छब'आ चि'आ लगियस। एन्ने नन्ना ती बोलवस
 तनी बुड़ा दव लगगा लगिया होले गोट्टा माखा ता उसनिंदा मंज्जक
 खन्दर'आ लगियस दरा बोंगत'आ लगियस, खन्दरका खो-खा गा अ
 आना चो'आ तपड़ेम आखनेम बे-चा गे ओ-रे नना चि'आ लगियस। अन्त
 बोलवा तड़िगयो गहि नोकसान मन्ना ती मून्ध रोपनस गहि ओय नाह
 उल्ला मून्ध ओन्टा गोला बछरुन धनुवांचकी रहचा। रोपनस आ ओय गहि
 दुदहिन कसा लोटा नू बीनर दरा बोलवासिन ओंत'आ लगियस। बोलवस
 एका - एका उल्ला गा दुदही बीना गे कालोस होले ओंटा दुदहिन तम्बस
 बीनदस खने ओन तरा बोलवस बच्छरु बेसे हबक'आदस। आ ओय
 दिकिम जुन ई पाली हुँ धनुवाचकी रहचा। अदि गहि खिरसा दिम एंवं
 दव बनचकी रहचा।

“गुच्छुर'आ हो बोलवा अक्कुन लत्था होले अख'ओय। निंग्हण
 बच्छरु बेसे ओन्ना उर्मी उरखो कालो। तंरकूँटी मना। हो रे, हो हो एरा ते
 लत्थ'आ लगी। अंवगेम निंगगन गुच्छुर'आ गे ब'आ लगदन।”

एन्ने ब'आ खनेम ओय लोटन लत्था चिच्चा अरा लोटा ता दुदही
 बीजरा दरा केरा। बोलवा तम्बस गे दव गा मल लगगा लगी पहें एन्द्रे
 ननोस।

• “ओह रे बीजिया दिम चिच्चा।”

“इदा ए-रा तो उर्मि दुदहिन बीजया चिच्चा। इन्ना एन्दरन
नीन। इन्ना निंगन अम्बड़ी अम्मन ओन्ट’ओन ए-न।”

बोलवस गे औला कुड़ना अम्बड़ीन खुरिया नू ओ-न खुरिया ओत्थ
दरा अन्नू तनी बुड़ा बे-कन सज्जस चिच्चस। बोलवस गा अम्बड़िन
ओना लगदस का, एन्ने लग्गा लगी दुदही ती हूँ बग्गे एम्बा अम्बड़ी
उरुच - उरुच निरदन खप्पा लगदस। अम्बड़ी खक्खरा खने गा औ
मण्डी हूँ मल ओण्ड-डस। ढेस ढेसरना बेसे अम्बड़िन ओण्ड-डस चिच्च
एन्ने लग्गा लगिया का एवंदा उल्ला ती एन्दरन हूँ मल ओण्डका मोक्क
रहचस। ए-रा नी कूल उड़चका खो-खा एन्ने खंदर’आ हेल्लरस का
लग्गा लगी एवंदा उल्ला ती खंन्दर’आ दिम मल खन्दरका रहवस
बोलवस खन्दर’आ लगियस खने आस गहि खेड़ड खेक्खन मनी इसुँग
रसड़िन सज’अर दरा खुरिया नू कुड़त’आ लगियस दरा अदिन नल
लगियस। अरा बोलवस गहि खेड़ड खेक्खा ता अंगलिन चो-डत’आ
लगियस। ओन्ट’आकेम अंगली मल चुड़िड्या होले ब’ओस-

“ए-दे ननी गुया पाही केरा।”

बोलवस एन्ने ननोस होले एजेरना बेसे मना लगियस दरा औ
खन्दर’आ काला लगियस। रोपनस गे एन्दरा हूँ नना मल तुक्को होल
बोलवासिन मुटिया किचरी नू बेतर’अर दरा एवंदा दव खंदरत’आ
लगियस। ओंगहोन ओंगहोन गा बेतरा किचरी ती तुरदा काला लगियस,
अन्नू हूँ मल चीं-खा लगियस।

बोलवासिन अम्बर दरा रोपनस खल नू नलखन नना गे काला हूँ
पोल्ला लगियस। एकासे नलखन हूँ ननोस, बोलवासिन बेतर’आदस दरा
नलख नन्दस होले हूँ गा रोपनस गे नलख नना गे घत्त मल लग्गी। नन्नर
गे ने-का खद्दासिन चि’ओस, ने- आसिन भन्द’ओर चि’ओर, ने-खय हेद्दे हूँ
गा र’आ मल बेद्ददस। एकासे ननोस आस गहि गा मेद्दोद हूँ नलख मल
नना हेल्लरा। एस’आनुम कीद’आदस दरा नलख नन्दस होले हूँ गा
बोलवस चींखदस, महले एका अजो नलखन नन्दस अजगोम बोलवस
कबड़ - कुबुड़ मन्ते अंड़सदस कादस।

दव ती गा रोपनस नलख हूँ नना पोलदस। इतरा जुदम अड्डोन
 अदी गे धाँसी खोयना, एन्ने गा मना लगिया रोपनस गे।
 बोलवासिन अम्बियस दरा गुच्छरस चिच्चस होले गा अम्बा आना
 लटंगा धाँसी नू कोर'आ काला लगियस। इतरा अड्डोन
 ने-ख'ऐम रहड़ी का मगहन ईरया होले बुंगनुम चाईल काला ल
 बोलवस जुदम लटंगा ती लटपटर'आ काला लगियस।

गोट्टा किचरी लटंगा ती नींदा काला लगिया। एन्ने बीरी तम्बस
 ननोस, लटंगन ओत्थर'ओस का धाँसी खोयोस का अड्डोन किरत'उ
 कालोस। खेड्ड खेकखद हूँ खस - खस मना काला लगिया। बोलव
 ए-रोय होले एन्ने लग्गा लगिया का ईस आलस हिकदस का ए
 भुड़ाइर किस्स बेसे मना काला लगियस। किचरी डोड्डो मङ्गिखका
 चमोटा खैदाचका बेसे लग्गा लगिया। गल्लेन गा अम्बा आना के
 चोरगोरका बेसे लग्गा लगिया। मुँस्सोन गा एन्ने चींचर'आ लगियस
 उर्मी मुँस्सो आस गहि गल्ले नुम खाया काला लगिया। मुर्स्सोन तम
 चींचा बेद्दोस होले गा अम्बा आना चींखा - चींखा औंजाईर नना चि
 लगियस। मुईयन गा धर'आ दिम मल चि'आ लगियस। रोपनस औंगह
 - औंगहोन गा खिंसार'आ काला लगियस।

“र'आ होन्नेम! मुस्सो उरखी अदिन हूँ बलदय। सें... ब'आ
 ब'ओय होले और भितरेम मंकखदय चिझ'दय। एवदा बे-र ब'ओन निंग
 लटंगा नू अम्बा कोर'आ, ओन्टा हूँ कत्थन मल मेंदय, ए-रा लगद
 गोट्टा कया नू लटंगा लक्की र'ई। होन्नेम र'आ। इन्ना मल ओत्थर'ओ
 चि'ओन। हुबड़ा किचरी नुकुम अत्तिका र'आ चकखो होले अख'ओ
 अन्नेम चूतोय।”

एन्ने गा बअ'दस पहें तंगदस दिकिम गा हिकदस एन्ने थोरे ननोस
 ए घड़ी खो-खम लटंगन ओथोरदस चिझ'दस।